

PEETAUBUN.

(Morning)

PEEP OF DAY.

VOL. 2.

SARNIA, C. W., MARCH, 1862.

NO. 2.

To the Editor of PETAUBUN.

Suhyahge enon Nekalmis: Kagait suh newuhwezhaandum weenduhmoonon noon-goom kee ezahayon Getegon Seebeeng; nin keewalubumog nekalmesuk mawezhuh kahweetoopuhmuhkwalbum Keshamunetoo oshuhwainjegawin. Meenuhwha ningoting ninkeewetoo puhmog kakah neezho umuh-meageezhuk ninkeetuhnis: antuhso enah-gwezhik ninkeekuhkeekwa: kahishkwah-kulhkeekwaingin prayer meeting ninkeewalubum; alpeche go ninkeeminwuhkumge-gemin. Netun mahjeetahyong namung-tenoong atuh metahwe ninkeetuhchemin; ishkwayung dush peenish ningotwauk kuh ya uhwh-shema ninkeetuhchemin. Uhuo-keewen newedook uhnokeetah kakulpe go suh newauk tuhuhewung kauhuhme ahelik.

Pazhik ekwa Catholic azhetwod keeshuhwaindahgoze, apeech pahpenaindung okeekesekuhwon enewh onahbekuhwahgunun, ninkeep enenuhmog wahbunduh-wauk ewh kwakeed. Uhuo-keewenewedook uhnokeetah, mah kezah go suh peenish kuhkemuh tuhkwakeewug Catholic azhetwahchik.

Osuhshamuhkumik eketo owh pazhik oshkenuhwa uhpee ane ishkwahpemahtezit emah Meshch-kwuhtoong owh Catholic azhetwod: "mee nungwahnul go nah kagait ewh weneboyon, kagait suh nah osuh-salmuhkumik; pejeenik ween nah newe-uhmuhme. Amahbum: ah how neeje kemee nin suh onowh newuhzembegumun, kuhya o-kowh nenahbekuhwahgunuk; kah suh nin-good ninke: enahbuhcheahseeg ahnoo kee-kulmuhwanemahkwah. Nekwakee suh, uh-muhmeatuhweshin dush, osuhshamuhkum-ik kee-shpin ezhenebowod ekewh Catho-lic azhetwahchik emah puhshukeshkog".

Uhuo-keewenewedook uhnokeetah; kahenik suh netahgooshkoewamuhgut ewh nebowin. Aishkwah menopenahtezeyang uhnokeetah.

James Ashquabe, Jan. 27, 1862.

To the Rev. Thomas Hurlburt.

Nekalmis Suhyahge enon. Puagee suh kemahjepeetuhmoon puagee weenduhmoon onah azhe penahitezyong. Mah gezah kekuhenaindum uhwagwain eneweshedook ewh pahjeperuhmuhwit. Apeech dush minwanduhmuh wahbunduhmuh ewh Petaubun anaindhgwuk, kuhya anokeemuhgak emah uhyahwod ekewh kashketoochik akindungik. Ahnowe suh haduhyeeenowug omah Minesota Ojebwa uhneshe-

nahbaig kashketoochik uhkinduhmowod ewh uhneshenahba mubzenuhgeun, kuhya kaminwaindungebulmeeg cheenhyuhkinduh-mowod ewh Petaubun: puhkaun dush ezhe-senene ewh omuhzenuhgeunewon.

Omah anduhnezeyon alpeche suh bah-tuhyeenowug Ojebwag katemahgezehik, kuhya amuhmeahseegook; mee suh atuh uduhwainjegawod, kuhya undobenewod alpeche suhyuhgetoowod. Owh kwuhyuk un-duh-wainjegawenene osahgeegoon weej uh-neshenahbain, kuhya uhtahwawenewum, kuhya wahweendahgunaze; kuhya owh usto-wundobenit keche kuhmuhwahbunjekah-zoo; ogosegoon enewh weej kuhmuhkeewamahgunun, kuhya dush alpeche mubmou-dahgunawemo. Uhee kahunah eshemah-chin enewh omeegwuhnemun kel mubwah cheood meuk nasod, kuhya meuk mam-zuhwod. Alpeche suh omah ketemahgezewug uhneshenahbaig ewh kahketoyon: kagoo kuhmuhga neekaun enainduhsekwa eh kawuhwazhetahwahpun. Mamintuhga dush kuhya suhuhge: ewug ewh cheese-tootuhmoonintwah ewh Muheto omuhze-muhgeun. Amuhwe mezewa omah ke pen-uhyahwug ekewh Keche mookomahne-ke-kenoohmahga wenenewug omah anduh-muhkeewod owh Ojebwag. Uhyadumit kakah naneezhtuhmuh tuhso behoon ahno kekenoohmahgawug: kahpahpish dush uh-weyuh okeekushkeahseewahwon emah o-duhnokeewinewon enewh kauhuhmeah-nepun. Nahnegotenoong nindenaindum wa-gotogwain ooo wainje ezehwabuk. Keeuh-yahwug ekewh Methodists, Congregation-ists, Presbyterians, Papists, kuhya: Baptists, kahkekenoohmuhwahchik enewh Oje-bwan. Ahbeting kuhya keetuhkweshenooh-buhmeeg ekewh Unitarians kekenoohmah-gawenenewug. Noongoom dush mee atuh Lutharians kuhya Episcopalians kayahpe ahno anokeeshchik. Ekewh Lutherians ahzhe 6 behoon kuhya weenuhwha akoo-uhnokeewod, kah dush mubshe pazhik o-kushkeahseen enewh uhneshenahbain: puh-yatoosh kah uhweyuh owetokahgoosen ka-uhnekuhtahgood. Ekewh dush Episco-palians kekahneseanuhik alpeche go kagait uhnokeewug kuhya dush anuhwak o-wetokahgowon enewh uhneshenahbain e-mah umuhmeahwining. Kuhya shuhye-kwah nechwah akushkeahwon enewh o-mee-kahtenowahgunewon ekewh Ojebwag, Nahlowaseewun, mubtwah umuhmeahwod, ewh matwa ezheehewagwod ekewh Episco-palians: kekahneseanuhik. Mee suh atuh noongoom ekewh nezhawon kekenooh-mahgawenenewug ahno anokeeshchik.

Mawezhuh enaindahgwut ekewh ahmint kahuhko mubkuhtuhmowod enewh oluhno keewinewon ahno keekekenoohmuhwah-wod enewh Ojebwan. Nuhlekit wagoto-gwain ooo alpeche kahouge pwahmuhwe-ahwod owkwh kekahneseanuhik Kechemo-komonik chekeewetokahgowod emah uh-muhmeahwining enewh uhme-henahbain? Okowh keej uhneshenahbainuhik kagute ween ozomeenuhtene ewh tahmahsuk ka-muhuhmahgowod waweeep cheotahpenuhmo wahpun ewh umuhmeahwin, ewh kah-zhe wanepuhwezewod emah Canada. Puagee dush enewh newewe ndahamit: netun ewh owh American Government keeshpenih-teowod ewh oluhkeemene enewh uhneshe-nahbain. Otenon enewh Ojebwan, mee suh ooo meuk kameenenam shoneyah, uhno-kahjegun, kuhya meehum. Uhee pahje-kahjegun ewh kahwahweenduhmuhwin-twah kahween otelakuhzeenahwah ewh kah ezhe wahweenduhmuhwintwah. Ahmeen meuk kahgekahnjegayon owh ko-koosh nahnegotenoong kakah halfmie a-komahgoze ewh azhe pekishke-nuhmit: kuhya nahpahna, mee suh atuh shadishahgwah wahwod azhe kushkeahwod ozheahwod puhkwazhegunun. Meenuhwha pazhik: kee uhyahwug omah uhnekuhtahgawenenewug kahuhnekuhtuhwahchik enewh Ke-chemokomon makuhtawekomuhyam. Nin-kee ezhe gekaindon dush kahween ewh kee tootuhwahseewug ewh kahtootuhwintwah ekewh Canada uhnekuhtuhmahga wene-newug: tepishko go kahween emah tepain-dahgozeseewug emah uhyokawining kee-ezhe kuhmuhwahbunjekahzowod ekewh uh-neshenahbaig wetookahgawenenewug e-mah umo-keewiing umuhmuhwining. Mee dush kakulpe kuhkemuh keepe-ah-nezheetuhmowod, kuhya keeahwahwah-wod: mee suh ewh kah ezehwabuk. Uhee dush kahkuhtuhmoonichin owh uhneshenah-ba emah umuhmeahwining bahbeza ote-zhenoon ewh antootahgood enewh kache-twahweezenchin Kechemokomon okemon, kuhya enewh Kechemokomon kekenooh-mahga wenenewun. Nindenaindum dush alpeche nesetotuhmuh ewh wahketoyon.

Mee suh onowh neekaun atochin owh pakwuhmuhwezit uhneshe-mahba wainje pwahuhmuhweewod cheotahpenuhmuhwahpun ewh umuhmeahwin wainje menohyod owh uhneshenahba emah Shaguhmohshe-wahkeeng anduhmuhkeechik. Kagait noon-goom menohyahwug ekewh Canada Oje-bwag emah oweyahwewong, mamintuhga dush dush emah oje-hahgowong, azhe gekainduhmowod, ewh noopenuhmuhmowod